



«Ою оюдың жолдарын тәптіштеп түсіндірдім»: қолөнер шеберінің кезекті кітабы жарық көрді

Елімізге белгілі қолөнер шебері, өлкетанушы Шәптібай БАЙДІЛДИННИҢ жаңа кітабы басылып шықты. Бұл еңбек ағамыздың қолынан шыққан ою – өрнектері жарияланған төртінші кітабы.

Жаңа кітап «Қазақтың тұрмыстық ою-өрнектері» деп аталады. Басылымның жарық көруіне Ы.Алтынсарин атындағы Арқалық педагогикалық институтының ректоры Ержан Әмірбекұлы тікелей қолдау көрсеткен. «Коронавирус дерті тараған уақытта, біраз уақыт үйде

лесіміздің бұған дейін ою – өрнек саласында үш еңбегі жарық көрген болатын. 2006 жылы «Өнер» баспасынан 350 оюы басылған «Қазақтың ою өрнектері» атты кітабы шықса, 2010 жылы 600 оюы Екібастұз қаласынан «Ою – ой, өрнек – сал» деген кітап болып, оқырман қолына тиді. Ондағы оюдың 500-не автор атау берген екен.

2019 жылы мемлекеттік тапсырыспен мыңға жақын оюы бес мың данамен Алматыдан «Оюмен ой айтқан елміз» деген атаумен жарық көрді. Бұл кітап Қазақстанның барлық кітапханаларына тегін таратылды.

Шәптібай Байділдәұлы –

отырып қалдық қой. Сол уақытта ойған тұрмыстық оюларым осы кітапқа еніп отыр. Яғни, кілемге, сыр-маққа, алашаға, текеметке, дастарханға, төсек - орынға, сандықтың, кебеженің бетіне, жалпы айтқанда тұрмыста қанша зат қолданылса, соның барлығына лайық төрт жүздей деген ою дайындаған болатынмын. Институт басшысы Ержан Әмірбекұлының жанашырлығының, тікелей қолдауының арқасында осы еңбектерім елге танылғалы отыр. Кітап өнерлі жастарға, жоғарғы оқу орынының студенттеріне, жалпы мектеп оқушыларына ұлттық ою-өрнекті насихаттауға арналған. Мен мұнда «Ою ой, өрнек сал» деген бөлімде оюды қалай оятынын, қандай қайшы, қарандаш, қағаз керектігін тәптіштеп жаздым. Зерек бала болса жазғанымды оқып отырып ақ, әрі қарай ою ойып кете алады», - дейді шебердің өзі.

Кітапқа Қойшығара САЛҒАРИН мен мүсінші жерлесіміз Сапарбек ҰЗАҚОВТЫҢ алғысөз, пікірі берілген. Еңбек 344 беттен тұрады. Әр бетке бір және екі оюдан ғана орналастырылған. Сондай ақ, кітапқа ағамыздың Әлемдік «Шыңғысхан» академиясының «Құрметті академигі», төреден шыққан «Мәртебелі сұлтан» сынды атақтары жайлы ақпарат берілген.

Айта кетсек, жер-

Әлемдік Шыңғысхан Академиясының құрметті академигі, Абылайхан атындағы халықаралық конференцияның алтын медалінің және «Қазына» сыйлығының екі мәрте иегері, оюшы, қолөнер шебері, ҚР Үздік өлкетанушысы, Арқалық қаласының құрметті азаматы, ҚР үздік мәдениет қызметкері, ҚР Үздік мемлекеттік қызметкері, үш ою-өрнек кітабының, «Кейкі батыр», «Мұхиттан өткен қайық», «Санаулы ғұмырымдағы саналы ойларым», «Тарихымызды түгендейік» атты кітаптардың авторы.

Биылғы жыл ағамыз үшін жемісті болғаны анық. Яғни, ағымдағы жылдың өзінде «Өнерлі отбасы» сайысының қалалық кезеңінен жанұясымен жеңімпаз атанып, «Қазақстанның үздік мәдени қызметкері», Қостанай облысының «Мәдениет саласының үздігі», «ҚР үздік қызметкері» диплом - төсбелгісін иеленді.

Ағамыз әркез ізденіс үстінде жүріп, еңбекқорлығымен, ерекше талант - қабілетімен зор жетістіктерге жетіп келеді. Қолөнер, өлкетану саласында ұрпақ игілігі үшін ауқымды еңбек атқаруда. Олай болса, жерлес - қадірлі азаматымызға қажырлы қайрат, темірдей мықты денсаулық тілейміз. Елдің ықыласына бөленіп, аман жүріңіз!

«АХ»